

明
通
鑑

庚子孟春

上元李遜齋題

計六卷

明通鑑附編

李遜齋署

光緒庚子仲春上

海埽葉山房石印

附記一上 起闕逢沿瀾夏五月盡秋七月

大清

世祖章皇帝順治元年 是年五月明福王由松立于南京仍稱崇禎十七年 夏五月戊子朔我

大清兵定京師李自成西奔

大軍追之于蘆溝于慶都皆敗之乃班師所過郡縣皆諭以定亂安民共享太平之意百姓竄匿山谷者悉還鄉

里迎降恐于是睿親王整兵入京師故明諸臣迎于五里外下令安輯百姓民間按堵如故改葬明崇禎帝后

竝熹宗皇后張氏神宗妃劉氏及殉難之公主如嬪等皆如禮 效異三編定京師目及輯覽所載皆言竝葬帝

此据初定京師下令之原文本也 大清實錄者故懿安之死于賊中已据查明而袁妃長公主未悉也明史

后妃公主傳皆云長平公主及袁妃被所未殊 大清入京師下所司給袁妃居宅瞻養終其身長平公主傳

帝選周顯向主將婚以寇警暫停及城陷上斫斷左臂越五日復甦 本朝順治二年上游泣諭年卒据此則

高天願髮絲空門稍伸罔極 詔不許令顯復向故主土田邸第金錢車馬錫字有加主游泣諭年卒据此則

是年五月下令所葬無長平公主袁妃二人也公主蓋即昭仁公主之等是時帝又手斫妃嬪數

人至是皆令葬之而神宗妃劉氏即昭妃寧太后聖者以崇禎十五年薨未葬也今參明史書之 是日明臣立

福王由崧于南京先是北都既陷四月己巳報至南京人心皇懼時參贊機務兵部尚書史可法方督師勤王渡

江抵浦日聞京師之變縞衣發喪南京文武大臣議立君討賊而由崧及潞王常澆俱以避賊至淮安倫序當屬

福王諸臣慮福王立或追怨妖書及挺擊移宮等案潞王立則無後患且可邀功陰主之者廢籍禮部侍郎錢謙

益力持其議者兵部侍郎呂大器而右都御史張慎言詹事姜曰廣皆然之其間往來游說者前山東按察僉事

雷縝祚禮部員外周鑣慎言曰廣等移牒可法曰福王倫序當立而有七不可貪淫酗酒不孝虐下不讀書干預

有司也潞王為神宗姪賢明當立可法亦以為然遂由浦口還南京而鳳陽總督馬士英利福王昏庸欲立之潛

明通鑑附編卷一上

一

韓贊周等集議于朝大器署禮兵二部印不肯下筆吏科給事中李沾探士英指厲聲言今日有異議者死之孔昭亦面斥大器而士英握重兵于外與諸將送福王至儀真連營江北勢甚張諸大臣乃不敢言可法亦不得已乃定立福王時文武官俱集內官宅贊周令各署名籍曰廣請無匆遽俟祭告先殿而後行越日至奉先殿以福王名告諸勳臣語侵可法曰廣呵之于是羣小咸目懾曰廣乙酉迎王于江浦丁亥百官迎見于龍江關王素服角帶哭是月朔王謁孝陵奉先殿出居內守備府羣臣入朝王色赧欲避可法曰王毋避宜正受已朝議戰守可法曰王宜素服郊次發師北征示天下以必復讐之義王唯唯明日再朝出議監國事慎言曰國虛無人可卽正大位可法曰太子存亡未卜尙南來若何孔昭曰今日既定誰敢復更可法曰徐之乃退庚寅王監國王辰以史可法高宏圖姜曰廣王鐸竝爲東閣大學士先是廷推閣臣舉可法宏圖等而劉孔昭攘臂欲竝列廷臣以勳臣無入閣例折之孔昭勃然曰卽我不可馬士英何不可乃首進士英東閣大學士兼兵部尙書都察院副都御史又議起廢競舉鄭三俊劉宗周徐石麒孔昭舉阮大鍼可法曰先帝欽定逆案無復言至是拜可法禮部尙書與士英宏圖竝入閣可法仍掌兵部事士英仍督師鳳陽曰廣先以迎立異議不用及再推詞臣乃以曰廣及鐸等名上遂與鐸命又以張慎言爲吏部尙書慎言上中興十議曰節鎮曰親藩曰開屯曰叛逆曰僞命曰褻恤曰功賞曰起廢曰懲貪曰漕稅納之又起劉宗周爲左都御史徐石麒右都御史黃道周吏部左侍郎令兵部尙書張國維以原官協理京營戎政餘皆遷擢有差 壬寅明福王稱帝于南京仍稱崇禎十七年以明年爲宏光元年癸卯馬士英入閣佐理仍掌兵部尙書事先是史可法定京營制如北都故事侍衛及錦衣衛諸軍悉入伍操練錦衣東西兩司房及南北兩鎮撫司官不備設以杜告密安人心時士英旦夕覲入相及聞督師鳳陽命下大怒以可法所與士英七不可書奏之王且令高傑劉澤清疏趣可法視師而自擁兵入覲拜表卽行可法不得已自請督師是時廷議分江北爲四鎮總兵劉澤清轄淮海駐淮北經理山東一路總兵高傑轄徐泗駐泗水經理開歸一路總兵劉良佐轄鳳壽駐臨淮經理陳杞一路靖南伯黃得功轄除和駐廬州經理光固一路得功已封伯乃晉靖南侯封傑爲興平伯澤清東平伯良佐廣昌伯于是加可

法太子太保改兵部尚書武英殿大學士督師淮揚各鎮俱聽節制乙巳可法陛辭請以總兵劉肇基于永綬李

棲鳳卜從善金聲桓等從征從之效吳四鎮之分地在先封爵在後故當可法額行而黃得功高傑爭駐揚州之

所請而此等跋扈之將豈可法所欲封也野史多以地及封爵概歸之可法奏中語之明史本傳即馬士英入勳

等封爵之時廷臣以劉澤清在臨清不相安恐有他變即具揭封澤清東安伯證之北略及紀事本末是年二月

封吳三桂等四人下但云澤清實墮一級無加封事若澤清果彼時封伯則此當與得功良玉並進爲侯矣明史澤清本傳亦云福王所封今據之復進封左良玉爲甯南侯先是莊烈帝

詔封良玉昇其子夢庚平賊將軍印功成世守武昌命給事中左懋第復道督戰良玉乃條月日進兵狀以聞疏

入未奉旨而京師陷福王立詔至其部下有異議不欲開讀巡撫何騰蛟急詣良玉所爭之而良玉已從正紀廬

鼎言開讀如禮諸將尚洵洵以江南自立君欲引兵東下良玉慟哭不許盡出所藏金銀綵物散之諸將曰此皆

先帝賜也受國厚恩禍變至此良玉何心獨有之乎于是諸將噉然皆哭副將馬士秀奮曰有不奉公令復言東

下者吾擊之以巨艦置礮斷江眾乃定會王命進良玉爵爲侯廢一子錦衣千戶以上流之事專委良玉制書到

楚而良玉賀表亦至時李自成敗于關門良玉得以其間稍復楚西境之荊州德安承天而騰蛟及總督袁繼咸

居江西皆與良玉善南都倚爲屏蔽時良玉兵八十萬號百萬前五營爲親軍後五營爲降軍每春秋肄兵武昌

諸山一山嶽一色山谷爲滿軍法用兩人夾馬馳曰過對馬足動地殷如雷聲聞數里諸鎮兵惟高傑最強不及

良玉遠甚然良玉自朱仙鎮之敗精銳略盡其後歸者多烏合軍容雖壯法令不復相攝而是時良玉亦老且病

無出兵意矣庚戌明誠意伯劉孔昭恠城伯趙之龍等詬吏部尚書張慎言于廷時大起廢籍慎言薦前大學

士吳姓前尚書鄭三俊福王命召姓陛見孔昭等怒慎言專推文臣排忽武臣乃廷斥慎言及姓爲奸邪叱咤徹

殿陛給事中羅萬象言慎言平生具在姓素有清望安得斥爲奸邪孔昭等伏地慟哭言武臣見弃鬪爭不已逮

欲手刃慎言韓贊周呵之乃止既退乃疏劾慎言極詆三俊且謂慎言當迎立阻難懷二心乞宥姓陛見命又諱

慎言欺蔽罪慎言疏辨因乞休時兩解之萬象又言首膺封爵者四鎮也新政京營又加一鎮銜何嘗不用武臣

年來封董之法先帝多寬武臣報先帝者在祖制以票擬歸閣臣參駁歸言官不聞委勳臣以糾劾也使勳臣得

兼糾劾文臣可勝逐哉史可法奏慎言疏薦無不當諸臣痛哭嗷呼法紀安在恐驕弁悍卒益輕朝廷御史王孫蕃

兼糾劾文臣可勝逐哉史可法奏慎言疏薦無不當諸臣痛哭嗷呼法紀安在恐驕弁悍卒益輕朝廷御史王孫蕃

兼糾劾文臣可勝逐哉史可法奏慎言疏薦無不當諸臣痛哭嗷呼法紀安在恐驕弁悍卒益輕朝廷御史王孫蕃

兼糾劾文臣可勝逐哉史可法奏慎言疏薦無不當諸臣痛哭嗷呼法紀安在恐驕弁悍卒益輕朝廷御史王孫蕃

言用人吏部職掌奈何廷專家閥臣高宏圖等亦以不能輯和文武各疏請罷俱不允而銜亦竟不復召 是月明督師大學士史可法開府揚州初四鎮分地黃得功劉澤清高傑爭欲駐揚州傑先至欲入城揚州人素畏傑不納傑攻城急日掠村廂婦女民惡之知府馬鳴騶推官湯來賀堅守月餘進士鄭元勳家城中身詣傑營責以大義傑頗感悟爲斂兵五里外城之西北得暫啟門通薪米而守城者不如約數以矢石中傑兵傑怒復進揚人疑元勳通傑遂遇害旣而傑知不可攻意稍息而澤清亦大掠淮上臨淮不納劉良佐軍亦被攻福王命可法往解得功澤清良佐皆聽命乃詣傑傑素憚可法夜掘坎十百埋暴骸旦日謁可法帳中詞色俱變汗浹背可法坦懷待之接偏裨以溫語傑大喜過望然自是易可法用己甲士防衛文檄必取視而後行可法夷然爲具疏屯其眾于瓜洲傑又大喜可法乃卽揚州立軍府遣使訪大行帝后梓宮及太子二王所在奉命祭告泗鳳二陵畢上疏曰陛下踐阼初祇謁孝陵哭泣盡哀道路感動若躬謁二陵親見鳳泗蒿萊滿目雞犬無聲當益悲憤願慎終如始處深宮廣廈則思東北諸陵魂魄之未安享玉食大庖則思東北諸陵麥飯之無展膺圖受籙則念先帝之集木馭朽何以忽遘危亡早朝晏罷則念先帝之克儉克勤何以卒隳大業戰兢惕厲無時怠荒二祖列宗將默佑中興若晏處東南不思遠略賢奸無辨威斷不靈老成投簪豪傑裹足祖宗怨恫天命潛移東南一隅未可保也王嘉納之先是王聞四鎮之爭遣職方主事萬元吉宣詔慰諭且發萬金犒傑軍令保江淮元吉渡江詣諸鎮營約共獎王室盡釋前嫌俱聽命乃擢元吉太僕少卿監視江北軍事時闖賊西奔青州諸郡縣竝殺僞官據城自保未知南都擁立事可法請速頒監國登極二詔慰山東河北軍民心開禮賢館招四方才智下僚有才被棄者亦悉舉任用之以故碭山知縣應廷吉爲監紀推官領其事一時幕府稱得人 方諸鎮之加封也邊將多不平江西總督袁繼咸自九江鎮所入朝奏曰封爵以勸有功無功而封則有功者不勸跋扈而封將跋扈者愈多王曰事已行奈何繼咸曰馬士英引傑渡江宜令往輯王曰彼不欲往輔臣史可法願往繼咸曰陛下嗣位固以恩澤收人心尤宜以紀綱肅眾志乞振精神申法紀冬春間淮上未必無事臣雖驚願奉六龍爲瀆淵之舉王有難色因詣榻前密奏曰左良玉雖無異圖然所部多降將非孝子

順孫陛下初登大寶人心危疑意外不可不慮臣當星馳回鎮許之 明分置應天蘇松巡撫以兵科都給事中

左懋第巡撫應天徽州諸府大理寺丞祁彪佳巡撫蘇松諸府時蘇州諸生檄討其鄉官從賊者奸民和之少

詹項煜及大理寺正錢位坤通政參議宋學顯禮部員外湯有慶之家皆被焚劫常熟又焚給事中時敏家毀

其三四棺彪佳請議從逆諸臣罪而治焚掠之徒以加等從之時高傑駐瓜洲跋扈甚彪佳尅期往會至期

風大作傑意彪佳未必來彪佳攜數卒衝風渡傑大駭異盡撤兵衛會彪佳于大觀樓彪佳披肝膈勉以忠義

共獎王室傑感嘆曰傑閱人多矣如公者傑甘爲死公一日在吳傑一日遵公約矣共飯而別 明福王以忻

城伯趙之龍總督京營戎政馬士英與之比故命之 初闖賊陷明山西淮揚巡撫總督漕運路振飛遣將金

聲桓等十七人分道防河由徐泗宿遷至安東沐陽且團練鄉兵犒以牛酒得兩淮間勁卒數萬福周路崇四

王避賊同日抵淮大將劉澤清高傑等亦棄汜地南下振飛悉接之至是河南副使呂弼周爲賊節度使進逼

淮上進士武愷爲賊防禦使招撫徐沛而賊所遣偽制將軍董學禮等據宿遷振飛擊擒弼周愷走學禮竿弼周

法場命軍士人射三矢乃解磔之縛愷徇諸市鞭八十檻車送南京誅之會馬士英欲用所親田仰爲淮揚巡撫

乃罷振飛振飛亦遭毋喪無家可歸遂流寓蘇州振飛在淮安與巡按御史王燮頌號召義士同心戮力自振

飛既去王燮亦陞右僉都御史巡撫山東而劉澤清來居淮城威福自擅散遣義士其桀驁者籍之部下劫掠

村落一空又大興土木造作壯麗僭擬皇居與田仰日肆歡飲士民憤怨時山東郡縣已歸我

大清王燮亦不能往但逡巡河上而已 明召前禮部侍郎陳子壯爲禮部尙書 六月丁巳胡明追上崇禎

帝諡曰烈皇帝廣號思宗周后曰孝節皇后後蜀南置釋史計氏南略俱系之朔日釋史作戊午 明召阮大

鍼入見時馬士英秉政招權罔利日事報復高宏圖姜曰廣張慎言等皆宿德在位將以次引海內人望而士

英必欲起大鍼因薦大鍼知兵初大鍼在南京與守備中官韓贊周暉及都城陷中官悉南奔大鍼因贊周徧

結之爲羣奄言東林當日所以爲貴如福王者俾備言于王以潛傾史可法等羣奄更極口推大鍼才士英亦

言大鍼從山中致書舉定策謀爲白其附璫贊等無實跡王遂命大鍼冠帶陞見大鍼乃上守江策曰聯絡曰

進取曰控扼曰策應且自白孤忠被陷痛訴孫慎行左光斗且指魏大中為大逆于是日廣疏言臣前見文武紛競既慚無術調和今見欽案掀翻又愧無能豫寢遂使先帝十七年之定力頓付逝波陛下數日前之明詔竟成故紙梓宮未冷增龍馭之怨恫制墨未乾駭四方之觀聽惜哉維新乃有此舉臣所守者朝廷之典章所畏者千秋之公議昨日大鉞之起竟出內傳夫針封墨敕種種覆轍史冊昭然不可不鑒也侍郎呂大器疏言先帝骨月未寒爰書儼若日星而士英悍然不顧視陛下為何如主士英為大鉞奏辯力攻曰廣大器益募宗室朱統鑣建安王統鏐輩連疏交攻而以宏圖為御史時嘗詆東林必當右己乃言宏圖素知臣者宏圖則言先帝欽定逆案一書不可擅改給事中羅萬象疏言輔臣薦用大鉞或以愧世之不知兵者然大鉞實未知兵伏望許其陛見以成輔臣吐握之意禁其復用以杜邪人覬覦之端應天府丞郭維經疏言逆案先帝手定今將修實錄若此案不書恐在天之靈必有遺憾若書之而今日起用大鉞與前案違異非陛下所以待先帝并非輔臣所以待陛下也大理寺丞詹兆恒疏言逆案諸人久圖翻局幸先帝神明內斷確不可移陛下駐蹕龍江痛先帝之變對羣吏而哭百姓聞之莫不灑涕捶胸願雪國耻近聞山東河南士紳皆白衣白冠呼籲先帝驅殺偽官各守險阻以拒闖獻餘黨此誠先帝德澤在人也今梓宮坏土未乾太子二王安在國讐未報而忽召見大鉞還以冠帶豈不上傷先帝之靈下短忠義之氣哉于是太僕少卿萬元吉御史左光先陳良弼王孫蕃給事中陳子龍職方郎中尹民興等先後論劾而錦衣指揮懷遠侯常延齡者開平王遇春裔孫也亦抗章攻之不報時南都諸勳戚多恣睢自肆獨延齡以守職稱國亡身自灌園種菜布衣終其身

致異延齡攻大鉞明史大鉞傳載之

三編據焉而開平傳不載至其灌園種菜並見錢秉鐸田間集又厲

鵬樊榭山房續集所作開平王孫種菜歌即指延齡也今並參書之

靖難死節及武熹兩朝忠諫諸臣謚下禮部議行 甲子張獻忠陷明涪州先是獻忠屯萬縣民皆逃避賊徒健鬪者十餘萬負載者倍之置橫陣四十里左步右騎夾舟而進巡撫陳士奇駐師重慶遣將趙榮貴扼梁山

陸道分守道劉鱗長與參將曾英守涪以扼江賊至榮貴望風遁英戰而敗退至五里望江關賊追及斫傷其類英手殺數人跳而免與鱗長走川南涪州遂陷

攻異經寇紀略及蜀碧皆書涪州之陷于六月八日即明史陳士奇傳系之四月蓋彙書耳辨見后 丙

寅明吏部尙書張慎言罷慎言再疏乞休至是始許之且諭曰晉躡未復卿亦無家可歸沿途僑寓以需後命慎言遂流寓蕪湖宣城間國亡後疽發于背戒勿藥卒 明起廢籍錢謙益爲禮部尙書協理詹事府事先是

南中迎立謙益陰擁戴路王與馬士英不合王旣立謙益懼得罪更疏頌士英功阮大鍼被召廷臣交劾謙益獨爲之訟冤以此修好于士英故有是命 癸酉明吏部侍郎呂大器罷大器以迎立異議自危乃上疏劾士

英言其擁兵入朝視留政地翻先皇手定逆案欲躋阮大鍼中樞其子以銅臭爲都督女弟夫未履行陣授總戎嫻越其杰田仰楊文驄先朝罪人盡登臚仕亂名器夫吳鉉鄭三俊臣不謂無一事失而端方亮直終爲

海內正人之歸士英大鍼臣不謂無一技長而奸回邪慝終爲宗社無窮之禍疏入以和衷體國答之未幾劉澤清入朝士英嗾之劾大器及雷縝祚異圖大器遂乞休去以手書監國告庶文送內閣明無他而士英憾不

已復令太常少卿李沾劾之尋削大器籍命法司逮治以蜀地盡失無可蹤跡而止效異大器之罷諸書皆系之十三日己巳蓋據澤清入朝論劾之澤清旣糾大器遂薦逆案張捷鄒之麟張孫振等皆許起用自武臣日分耳今類書其本末于大器罷日中

紀綱盡裂而澤清所言尤狂悖擁立之初卽援靖康故事請以五月改元又請宥故輔周延儒助餉賊銀又請祭巡按不得拏訪追賊又請法司嚴緝故總督侯恂及其子方域等朝廷多曲意從之及是士英挾擁戴功內

結勳臣外連鎮將而澤清益無忌憚矣 明大理寺丞詹兆恒等之劾阮大鍼也福王命取逆案進覽至是兆恒上之而馬士英亦以是日進三朝要典乃切責羅萬象等高宏圖復請下九卿會議不聽 丙子明馬士英

乞罷士英當國畏東林倚左良玉爲難謾語修好而陰忌之良玉不自安屬承天守備太監何志孔巡按御史黃澍入賀陰伺朝廷動靜澍挾良玉勢當陛見面數士英奸貪不法且嘗受張獻忠僞官周文江重賄爲題授

參將凡可斬之罪十志孔亦論士英罔上行私諸罪司禮太監韓贊周叱之曰御史言事是其職掌內臣操議殊傷國體志孔乃退士英跪乞處分澍舉笏直擊其背曰願與奸臣同死士英大號呼贊周卽執志孔俟命時

有內諭令贊周趣士英避位士英乃引疾請罷而賂福邸舊奄田成張執中等泣懇王曰上非馬公不得立遂

馬公天下將議上背恩矣且馬公在閣諸事不勞主上馬公去誰念上者王爲之心動明日卽慰留士英而士英亦憚良玉請釋志孔命澍速還武昌復以它事奪澍官尋以朱盛濃言遠治澍澍與良玉謀陰誣將士大譁欲下南京索餉因保救澍袁繼咸爲留江漕十萬石銀十三萬給之且代澍申理以良玉倚仗爲言士英不得已乃免逮澍遂留良玉軍中自是良玉與士英有郤 丁丑獻賊陷明重慶初蜀中被擾朝議以巡撫陳士奇不任命龍文光代之士奇得代將行京師告變士奇自以知兵也曰必報國仇遂駐重慶會陽平將趙光遠擁兵二萬護瑞王常浩自漢中來奔士民避難者又數萬至保甯蜀人震駭士奇馳責光遠曰若退守陽平關爲吾捍衛不惜二萬金犒軍如頓此需厚餉吾頭可斷餉不可得也光遠退屯陽平瑞王以三千騎奔重慶重慶下流四十里曰銅鑼峽江路所必經士奇宿重兵以守獻忠旣入涪州分舟師泝流犯峽而自率步騎登山疾馳百五十里破江津縣掠其船順流下不三日而奪佛圖關銅鑼峽反出其下兵驚擾遂潰士奇徵石砭援兵不至或勸公已謝事宜去士奇不可賊抵城下士奇與副使陳繻知府王行儉知縣王錫等竭力拒守擊以滾礮賊死無數至是夜間黑雲四布賊穴地轟擊俄晴靈遂肆慘從王死其甚衆士奇罵不絕口而死繻護瑞王入蜀及于難行儉爲賊嚮死賊之穴城也錫灌以熱油多死及被執大罵扶其齒罵不已捶膝使跪益屹立乃昇至教場縛樹上射之又嚮而烙之旣死復毀其骨

攷異賊陷涪州在六月初八日甲子陷重慶在二十一日丁丑諸書皆同明史士奇傳書之四月蓋並龍文光受代

牽連涪州之也然其下文云六月二十夜賊轟城則六月二十日丙子比明城陷則二十一日丁丑與諸書所記日分合疑涪涪之字耳今據釋史北畧諸書又諸書皆云天無雲而雷者三傳言雷雨晦冥咫尺不見語亦小異三編亦云無雲

而雷與明史瑞王傳合今從之 戊寅明封福府千戶常應俊爲襄衛伯應俊本革工福王避寇出亡時嘗賈

行以免難王初立卽授左都督至是加封予世襲太監韓贊周盧九德及福邸內臣屈尙忠田成張執中等亦以翊戴功各陞其弟姪有差 己卯明忻城伯趙之龍上疏糾思宗庸號之失時朝廷議禮皆出大學士高宏圖手之龍蓋承馬士英指而卒沾屬稿授之實則之龍不識一丁也宏圖疏辨詔仍其舊

攷異野史言時以之龍之請改曰毅宗

冠紀略則以毅宗爲南中初定之謚皆非也毅宗二字出自之龍
請改疏中明年始改之證之釋史北略是時詔仍其舊今從之

明以徐石麒爲吏部尙書石麒以左都御

史召未至改之代張慎言也石麒再疏辭舉鄭三俊自代不許乃入朝陳省庶官慎破格行久任重名器嚴起

慶明保舉交堂廉七事王嘉納之 是月

大清兵定山東河北諸郡縣 初

大清攝政睿親王定京師故明大學士馮銓降令以原銜入內院佐理至是遣銓祭告明太祖及諸帝以太祖

神牌遷入京師帝王廟致異明史李自成傳有遷太祖神主于帝王廟之語三編質實辨之言自成于甲申三月入京大縱剽掠焚太廟神主肆爲毒虐安知有遷主之禮四月自成爲大清所

敗奔還京師始僭號次日即西走更無暇及此此特稗野所載明史採用之不足爲據因恭檢世憲章皇帝實錄六月遣馮銓祭告及遷主之事以爲證今據之 明鎮江兵亂時史可法

部將于永綬等四人駐京口會浙江入衛都司黃之奎亦部水陸兵四千戍其地之奎御軍嚴永綬等四將兵

恣橫刃傷民浙江兵縛而投之江遂有隙已而守備李大開統浙江兵又擊傷鎮江兵馬鎮江兵與相鬪射殺

大開亂兵大焚掠死者四百人巡撫郝彪佳方至永綬等遁去彪佳劾治四將罪周卹避難家民大悅時故明

戶科給事中熊汝霖自福建請所召還上疏曰臣自丹陽來知浙兵爲邊兵所擊火民居十餘里邊帥有言四

鎮以殺掠獲封爵我何憚不爲臣意四鎮必毅然北征一雪此耻今猶戀戀淮揚何也況一鎮之餉多至六十

萬勢必不能供卽仿古藩鎮法亦當在大河以北開屯設府會輿窺之內而遽以藩籬視之乎不報 明遣總

兵官黃斌卿防禦京口又以游擊吳志葵爲總兵官鎮守吳淞時兵科給事中陳子龍以原官召致異三編系

給事中于七月擢其舊任月日也諡之子龍年譜召在六月譜中言以授子龍兵科

六月望後入都明史本傳並防江水師一議俱書于是年六月今據之 疏言君父之仇不可不報中原之地不

可不復然必保固江淮以爲中興之根本守江之策莫急水師海舟之議更不容緩臣先與長樂知縣夏允彝

中書舍人宋徵璧捐貲召募海舟適松江知府陳亨志切同仇多方措置俾成勁旅會史可法萬元吉來書以

江上守禦方殷望此一軍共爲犄角不妨動支正供以俟銷算臣等推故職方主事何剛專司募練而佐以山

陰知縣錢世貴舉人徐孚遠等召買沙船募材官水卒一千餘名一月之內可以募事夫千人之在長江如雙

鳧乘雁不足爲重輕然使江南諸郡各爲門戶計則萬人亦不難致臣等亦聊盡精衛之心倡怒蛙之氣而已

又疏言自古中興之主如少康周宣皆躬親武事漢之光武唐之肅宗無不身先士卒故能光復舊物從未有身居法宮履安處順而可以勘定禍亂者臣瞻拜孝陵依依北望不知十二陵尙能無恙不先帝后之梓宮何在與興言及此陛下宜嘗膽卧薪宵衣旰食羣工庶尹亦宜砥厲鋒鏑奮發意志以報仇雪恥是務竊聞山東河北義旗雲集咸拭目以望南師朝廷晏然置之度外何以收三齊抗手之雄樹燕趙悲歌之士乎又言臣入國門再旬矣人情泄沓無異昇平清歌漏舟之中痛飲焚屋之內臣不知其所終其始皆起于姑息一二武臣以至凡百政令因循遵養臣實爲之寒心也又疏陳備邊三策請收復襄陽皆當時至計而何剛亦上疏言臣請陛下三年之內宮室不必修百官禮樂不必備惟日求天下才智者決策廉者理財勇者禦敵爵賞無出此三者則國富兵強大敵可禦若以驕悍之將馭無制之兵空言恢復是卻行而求前也優游歲月潤色偏安錮豪傑於草間迫梟雄爲盜賊是株守以待盡也惟庶堂不以浮文取士而以實績課人則真才皆爲國用而議論亦省矣分遣使者羅草澤英豪得才多者受上賞則梟傑皆畢命封疆而盜魁亦少矣東南人滿徙之江北或賜爵或贖罪則豪右皆盡力南畝而軍餉亦充矣惜時不能用山東殘破明魯王以海奔藩南奔泊舟京口福王命暫駐處州以海明太祖子荒王檀九世孫也是時諸王播遷皆南奔復命路王常潯處杭州惠桂二王仍駐廣西之梧州 故明南國知府錢敬忠聞甲申之難重趺奔赴南都是以是月之朔上疏凡千數百言略曰皇上所親邁之難與三月十九日爲開闢未有之變纔一念及則踏地踟天行尸走肉不覺魄已離魂生不如死獨念國破君亡雖陵寢震驚鐘簷非故猶賴東南半壁何止一成一旅而皇上淵躍天飛依然有君則自監國以來登基以後皇上一大事因緣朝野一正經題目除卻討賊復仇外更無與爲弟二義者今觀舉朝諸臣似以三月十九事亦未爲地覆天翻千古非常之奇變也如以爲奇變當必有洗胃刮腸一番痛心之設施乃兩月來立綱陳紀張官置吏亦旣濟濟彬彬章滿公車言滿朝聽而討賊復讐一事未聞有痛哭流涕爲皇上一贊決者亦未見有單肩赤脊爲皇上一亟圖者臣不敢深言亦不忍深言百年以來功利之毒淪入骨髓已成膏肓乃有書破萬卷官躋一品未識君父二字者致有今日以今日世道人心恢復大事諸臣已不足恃

獨有皇上不共戴天一念果可徹地通天反風卻日決不愁神靈不護呵羣力不輻輳也臣昧死請我皇上無煩再計不俟終朝推瞿然失席之情挺身蹶起效素服哭郊之事灑淚誓師懸詔國門布告天下親率敢死之士一逞無前滅此朝食四海之內義稱臣子者各各蠲貲買勇以佐軍現有職司者在在鍊兵轉餉而接濟萬事不理單刀直入卽有謂萬乘之孝與匹夫不同孤注之危非萬全良策者彼雖陳議甚高吾思吾父不能顧矣卽今殘破地方姑置弗論其未經兵火者南直十數郡外江浙閩廣皆雄藩也誠早以訓練轉輸專責之師帥之任十數萬子弟兵數百萬糧草何慮不首尾接應只須掀翻格套使餉鬱盡舒寬假便宜令膽智畢吐庶幾真才爲我作使若復一瓢眾舉十羊九牧徒相與蒿目而憂無兵無餉真是向飯籬邊愁餓死耳在事諸臣必詆臣腐儒不諳時務不曰祖宗社稷爲重必曰輕舉躁動爲殃臣亦敢不謂然獨恨功利之毒自錮人聽其所言洋洋至理捫心自揣或非本懷從來誤人家國貽羞千載何嘗不據一面之理唯願皇上存做蹠草芥之心不緩被髮纓冠之舉遠思伍員夜泣之悲早決枕戈待旦之計除凶雪恥遠跡康宣抑亦懇亂賊扶綱常正人心息邪說否則無父無君不知其所終矣得旨錢敬忠有何異謀可足兵食以便恢勦著再奏敬忠溯典引經復得千數百言再上之報聞已又陳第三疏備論天下重輕之勢且云廟堂諸老非有張良之智裴度之忠李德裕之才與識不過以定策而枋國耳昔者楚漢之爭勢重在楚不在漢比三老董公遮說義帝之喪發而天下大勢盡歸重於劉楚漢輕重之勢亦卽今日我與賊及廷臣諸鎮輕重之勢漢高能早握其機以成帝業此我今日君臣所當共念者也晉欒卻弑厲公立十四齡之悼公勢在欒卻已悼公召羣大夫誓之稽首唯命而晉勢得盡歸於公夫悼公能早握其機以致中興此又我皇上今日所當獨念者也舍此一著何言宗祏百年卽欲爲皇上圖一身亦無計矣何言恢復一統卽欲爲皇上保半壁亦無計矣蓋皇上一失此機則浸假而移於柄臣落於雄鎮且浸假而倒授他人今登萊等處未睹詔書猶爲我大明堅守民之思漢可知乃當事諸臣四顧躊躇動憂兵食且鯁鯁乎奇謀異計借此著籌此機一失此勢不回天下事未知稅駕偏安且不可得臣從此不復敢言矣敬忠連上三疏待命逾月庶堂充耳而馬士英輩以其累瀆格不上遂怏怏失志歸自

稱崇禎遺臣卧病不出踰年

大兵渡江敬忠病甚每索邸抄讀之撫膺慟哭自歎其不幸多言而應也迺戒勿藥以其年六月望後一日卒

致異摺全祖望

是夏明前吏部侍郎劉宗周聞北都陷徒步荷戈詣杭州責巡撫黃鳴俊發喪討賊鳴俊遲

回不決

致異諸書作鳴駿惟題名碑作俊平觀

宗周乃與故侍郎朱大典故給事中章正宸熊汝霖召募義旅

將發而福王監國南京起宗周故官宗周以大仇未報不敢受職自稱草莽孤臣疏陳時政言今日大計舍討

賊復仇無以表陛下渡江之心非毅然決策親征無以作天下忠義之氣一日據形勝以規進取江左非偏安

之業請進圖江北鳳陽號中都東扼徐淮北控豫州西顧荆襄而南去金陵不遠請以駐親征之師大小銓除

暫稱行在少存臣子負罪引慝之心從此漸進秦晉燕齊必有響應而起者一日重藩屏以資彈壓淮揚數百

里設兩節鉞不能禦亂爭先南下致江北一塊土拱手授于流賊督漕路振飛坐守淮城久以家屬浮舟遠地

是倡之逃也於是鎮臣劉澤清高傑遂有家屬寄江南之說軍法臨陣脫逃者斬臣謂一撫二鎮皆可斬也一日

慎爵賞以肅軍情請分別各帥封賞孰當孰濫輕則收侯爵重則收伯爵夫以左帥之恢復而封高劉六敗逃亦

封又誰不當封者武臣既濫文臣隨之外臣既濫中璫隨之恐天下聞而解體也一日核舊官以立臣紀燕京既

破有受僞官而叛者有受僞官而逃者有在封守而逃者有奉使命而逃者法皆不赦亟宜分別定罪為戒將來

至于僞命南下徘徊順逆之間實繁有徒必且倡為曲說以惑人心尤宜誅絕又言當賊入秦流晉漸過畿南

遠近洶洶獨大江南北晏然而二三督撫不聞遣一騎以壯聲援流賊遂得長驅犯闕坐視君父之危亡而不

救則封疆諸臣之當誅者一凶問已確諸臣奮戈而起決一戰以贖前愆自當不俟朝食方且仰聲息于南中

爭言固圍之策卻兵權于闔外首圖定策之功則封疆諸臣之當誅者又一新朝既立之後謂宜不俟終日首

遣北伐之師不然則亟馳一介開道北進檄燕中父老起塞上名王哭九廟厝梓宮訪諸王更不然則起閩帥

鄭芝龍以海師下直沽九邊督鎮合謀共奮事或可為而諸臣計不出此則舉朝謀國不忠之當誅者又一罷

廢諸臣量從昭雪自應援先帝遺詔及之今乃槩用新恩誅闔定案前後詔書鶻突勢必彪虎之類盡從平反

而後已則舉朝謀國不忠之當誅者又一臣謂今日問罪當自中外諸臣不職者始詔納其言宣付史館中外
為悚動效異宗周此疏三編系之五月福王監國目中蓋連起用書之而明史本傳 秋七月丙戌朔明祀高

皇帝以下于奉先殿奉崇禎帝后耐祭 丁亥明起吏科給事中章正宸復故官正宸既至痛舉朝無復警心

疏言今日江左形勢視晉宋為更難當事者泄泄偷息處堂自娛兩月以來聞文吏錫盤矣不聞獻誠武臣私

鬪矣不聞公戰老成引退矣不聞敵愾諸生捲堂矣不聞請纓如此而曰興朝氣象臣愚亦知其未也今惟有

進取為第一義進取不銳則守禦必不堅比者河北山左忠義響應結營寨殺偽官為朝廷効死力不及今電

掣星馳倡義申討是靡天下之氣而坐失事機也宜亟檄四鎮渡河聯絡河北山東諸路齊心僇力互為聲援

使兩京路通而后塞井陘絕孟津據武關以攻隴右陛下宜縞素誓師駐蹕淮上聲靈所及人切同仇虎豹猶

狝勇慎百倍今部院寺司各署不稱行在而工作煩興議者已占陛下志圖偏安天下事變皆生意外將何以

待之宜嚴敕大臣速簡車徒備芻糗選將帥繕城塹進寸則寸進尺則尺抗險處要以規中原天下大矣安見

張岳韓劉之不應運而出也時起用張捷鄒之麟張孫振阮大鍼輩正宸竝疏諫不納尋改大理寺丞請假歸

致異正宸上疏諸書皆系之是月丁亥 初二日也三編亦系之七月今從之 戊子明福王追諡其祖母鄭貴妃曰孝甯太后考福恭王曰恭皇帝

上適母鄒氏尊號曰恪貞仁壽皇太后時太僕少卿萬元吉請修建文實錄復其尊號並還懿文追尊故號祀

之寢園以建文配而速 建文死事諸臣以作忠義之氣從之乃追復懿文太子庶號追諡建文帝曰惠宗讓

皇帝復封其弟允熲等為王竝上景帝庶號曰代宗改諡孝宗張后曰孝成皇后方孝孺等皆為贈諡立祠又

聞崇禎太子及永定二王皆為李自成所害乃追諡太子曰獻愍定王曰哀永王曰悼致異三編追諡福恭王

月下因追諡崇禎帝后連記也證之 釋史南略皆在七月戊子今據之 庚寅明遣兵部侍郎左懋第求成于我

大清先是懋第奉巡撫應天之命以母喪請終制不許時

大兵連破李自成河北郡縣亦相繼歸附朝議遣使通好而難其人懋第母陳没于燕欲因是返匱葬請行乃

拜懋第兵部右侍郎兼右僉都御史與左都督陳洪範太僕少卿馬紹愉偕而令懋第經理河北聯絡關東諸軍

務馬紹愉者故兵部郎官也嘗為陳新甲通使新甲既誅紹愉以督戰致敗為懋第劾罷及是紹愉已起官郎中乃進為少卿副懋第懋第請罷紹愉勿遣略言臣此行致祭先帝后梓宮訪東宮二王蹤跡臣既充使勢不能兼理封疆且紹愉臣所劾罷不當復與臣共事必用臣經理則乞命洪範同紹愉出使而假臣一旅偕山東撫臣收拾山東以待不敢復言北行如用臣與洪範北行則去臣經理但銜命而往而勿遣紹愉閣部議止紹愉改遣原任薊督王永吉命仍遵前諭懋第瀕行言臣此行死生未卜請以辭闕之身效一言願陛下以先帝讐恥為心瞻高皇之弓劍則思成祖列聖之陵寢何存撫江上之殘黎則念河北山東之赤子誰卹更望時時整頓士馬必能渡河而戰始能扼河而守必能扼河而守始能畫江而安眾建其言福王令賚白金十萬兩幣帛數萬匹以兵三千人護行時王永吉總督山東軍務命王永吉暫駐河上料理戰守俟北使還時史可法銳意進兵河南以懋第等方行兵不宜繼進諭止之 壬辰明定守護鳳陵戍兵五千人 明以巡按四川御史劉之勃為僉都御史巡撫四川命未至而四川陷 甲午明以六等定從逆諸臣罪是時北都降賊諸臣紛紛南奔詣闕自理章奏禱投詹事項煜混入朝班于是通政司劉士楨奏令北歸諸臣靜候朝廷處分會舉朝以逆案攻阮大鍼大鍼恚甚見從逆諸臣有附會清流者倡言曰彼攻逆案吾作順案與之對以李自成偽國號曰順也于是馬士英上疏劾給事中光時亨龔鼎孳輩復摭拾庶吉士周鍾勸進表文以為謀反大逆宜加赤族之誅其胞兄周銓堂弟周鏞均當連坐其餘從賊諸臣請分別定罪仿唐制六等均以各條罪各疏上下三法司議擬其自絞以上者法司行撫按官逮解來京候訊流罪以下撫按官依律訊處具奏罪異逆案分六等定者則解學龍授刑部尚書月日也三編統系之明年正月者則學龍以所擬不合被劾削籍之月日也證之緯史南略始于七月甲午則馬士英奏請下刑部之月日也此案展轉議駁無非恩怨糾纏即如周鍾之從逆罪無可逃而至列其勸進之表所謂堯舜湯武等語楊士聰亦以為表文未聞而吳梅村辨之謂此元末紅巾之語載之輟耕錄者乃以之入爰書行大法不亦誣乎今但撮書其大略而其全文實不足錄附識于此

戊戌明馬士英乞休不許以待郎劉宗周劾之也初宗周被召辭因痛陳時政士英及劉澤清高傑等銜之滋欲殺宗周宗周請告不許遂抗疏劾士英略言陛下龍飛淮甸天實與之乃以扈蹕微勞晏然入內閣進中樞者非士英乎于是李沾劉孔昭等譁然聚訟而羣陰且翩翩起矣高傑一逃將而奉若驕子劉黃諸將各有舊